

兩江疏草

總督兩江等處地方軍務兼理糧餉操江兵部尚書兼都察院右都御史董訥



兵集

題張嘉被盜獲盜過半

題為欽奉

上諭事案照康熙二十五年五月二十八日准兵部
咨開職方清吏司案呈奉本部送兵科抄出該
本部彙題前事等因康熙二十五年閏四月二
十一日題本月二十三日奉

旨依議欽此欽遵抄部送司案呈到部計開一件爲
婁邑鄉民被盜等事據江南江西總督王新命
疏稱婁縣民人張嘉兄弟住居鄉僻於康熙二
十四年十一月三十日夜被盜將疎防武職各
官題叅前來應將專汛把總高進孝照例任俸
兼轄叅將李遇芳應罰俸六箇月俱限一年緝
賊如不獲題叅另處盜賊確數查明報部等因
移咨前來隨經前督臣咨會江南提督併檄江
蘇按察司轉行文武各官欽遵限年緝賊去後
今據該司按察使李國亮詳稱奉前部院牌行

前事等因到司蒙此遵卽移會蘇松道併行松
江府勒限緝盜獲報去後今據該府詳稱據婁
縣知縣史彬詳稱康熙二十五年閏四月初三
日據捕役朱茂王文營捕高上金山營百總楊
應虎協緝盜犯張大到縣審供行劫張嘉等家
同夥二十五人俱係浙江金華紹興嘉興各府
人氏隨經備關移提并詳請撫院移咨浙撫檄
拏已獲宣君榮張一求張一能婁啓生張德進
張秦嘉吳二傅二吳富錢大張一康吳明當吳
君榮陸續奉發到縣現在研審招解外未獲周

六老卽周廷章四和尚卽傅希廸蔣希仁金髻
鬚蔣鬍子卽蔣二張二卽張秦陶老亞夫吳道
榮李光頭王九老王小老備移浦江諸暨各縣
關緝并請咨提在案合將限內獲盜緣由先行
詳報等情到府該本府知府朱雯查得張嘉被
盜行劫一案遵奉部文勒緝真盜業據該縣緝
獲盜犯張大等審供同夥二十五名除已獲張
大宣君榮張一求張一能婁啓生張德進張秦
嘉吳二傅二吳富錢大張一康吳明當吳君榮
一十四名現在確審招解外尙有未獲周六老

傅希廸蔣希仁金髻鬚蔣鬍子張二老亞夫吳
道榮李光頭王九老王小老十一名現在移緝
合將一年限內獲盜緣由先行議報等情到司
據此該本司李按察使查看得張嘉被盜一案
奉前部院查取疎防武職各官職名

題叅部覆限年緝賊如不獲題叅另處盜賊確數
查明報部等因行司遵卽移行道府查緝真盜
去後今一年之限已屆茲據該府縣詳報拏獲
盜犯張大等審供同夥二十五名現獲張大等
一十四名止有逸盜周六老等十一名尙未弋

獲等語除張大等是否真盜應俟該府招解到日審明轉解撫院親審定案外所有限內獲盜緣由理合先行詳請院奪俯賜檄行該營查取武職名具

題以聽部議等因據此又准提督臣楊捷咨開婁縣張嘉被盜一案行據該營呈報嚴督弁兵會同婁縣捕役四路躡緝拏獲盜犯張大等審供同夥二十五名現獲張大等一十四名應聽江蘇臬司審明定擬止有逸盜周六老等十一名尚未弋獲現在勒緝今查一年之限已滿所有

原叅專汛則係金山營把總高進孝兼轄該營叅將李遇芳已經別案降調現任叅將林允係接緝之官相應循例開列咨會核

題等因到臣准此除文職各官應聽江寧撫臣查明會

題併已獲張大等是否此案真盜現行江蘇按察司審明撫臣核

題未獲盜犯周六老等仍飭文武官弁勒緝務獲外該臣看得婁縣鄉民張嘉兄弟被盜一案先經前督臣將疎防武職具疏

元 叅部覆限一年緝賊今准提督臣楊捷咨覆併
據按察使李國亮呈詳此案夥盜二十五名已
獲張大等一十四名現在批發究審尙有周六
老等十一名未獲今查年限已滿獲盜尙未審
明定案所有原叅疎防武職專汛金山營把總
高進孝兼轄該營叅將李遇芳已經別案降調
現任叅將林允係接緝之官相應

題明聽候部覆臣謹會同昭武將軍管江南提督
事臣楊捷合詞具

題伏乞

皇上睿鑒勅部議覆施行

題陸芳失事獲盜過半

題爲欽奉

上諭事案照康熙二十五年五月二十八日准兵部
咨開職方清吏司案呈奉本部送兵科抄出該
本部彙題前事等因康熙二十五年閏四月二
十一日題本月二十三日奉

旨依議欽此欽遵抄部送司案呈到部計開一件爲
崑邑行舟被盜等事據江南江西總督王新命
疏稱太倉州布客陸芳於康熙二十四年十一
月十七日舟至崑山縣青洋江地方被盜將疎

防武職各官題叅前來應將專汛千總王建祖照例任俸兼轄遊擊陳宗魁應罰俸六箇月俱限一年緝賊如不獲題叅另處盜賊確數查明報部等因移咨到前督臣隨經備咨撫提二臣并檄江蘇按察司轉飭文武官弁勒限緝賊在案茲臣莅任據該司按察使李國亮詳稱案奉前任總督王部院牌行前事遵卽移會蘇松道并行蘇州府勒緝真盜獲報去後催據該府詳稱康熙二十六年二月初十日據崑山縣知縣杭允佳詳稱二月初四日據本縣原捕朱御貢

恩稟稱蒙差行緝陸芳一案逸賊向緝無踪今正月念四日同總捕廳差捕談禎等巡至蘇州山塘地方盤獲盜犯湯龍又押龍到吳江縣認獲同夥戴三梅和尚三名等情通報發審間續准吳江縣關解沈三瞎子又准浙江嘉善縣協掣盜犯戴小大隨經本縣審據湯龍供康熙二十四年十一月十六日有戴三戴小大馬三梅和尚沈三瞎子連小的六箇人就是梅和尚的船來到崑山西馬頭十七日黎明行劫陸芳客船等語現在勒緝逸盜馬三一名追起原贓確

審招解外奉查盜夥確數備叙詳報等情到府該本府知府胡世威查得布客陸芳舟次崑山縣青洋江地方被盜一案遵奉部文備行該縣查緝業據報獲盜犯湯龍審供同夥六人除現獲湯龍戴三梅和尚沈三瞎子戴小大五名現在確審招解止有未獲馬三一名所有一年限滿獲盜緣由先行詳報等情到司據此該本司李按察使查看得陸芳行舟被盜一案奉前院查取疎防武職各官職名

題叅部覆限年緝賊如不獲題叅另處盜賊確數查明報部等因行司遵卽移行道府查緝真盜去後今一年之限已屆茲據該府縣詳報挈獲盜犯湯龍等審供同夥六人現獲湯龍戴三梅和尚沈三瞎子戴小大五名止有逸盜馬三一各尙未弋獲等語除湯龍等是否真盜應俟該府招解到日審明轉解撫院親審定案外所有限內獲盜緣由理合先行詳請院奪等因據此又准江南提督臣楊捷咨據蘇州營遊擊陳宗魁呈稱查得陸芳失事案盜實止六名已獲湯龍等五名見在有司審擬其未獲惟馬二一名

是此案盜犯已獲過半仰祈鑒援開復等因轉咨前來准此除文職職名應聽撫臣另疏具

題外該臣看得太倉州布客陸芳被盜一案經前督臣將疎防武職各官具疏

題叅部覆限一年緝賊如不獲題叅另處等因在

案今一年之限屆滿准據提督臣楊捷暨按察使李國亮各稱此案已獲盜犯湯龍等五名審供同夥六名未獲馬三一名見在確審但是否此案真盜應俟審明具

題聽候法司核覆再議所有原叅蘇州營專汛千

總王建祖兼轄該營遊擊陳宗魁限年緝賊之案相應

題明聽候部臣議覆臣謹會同昭武將軍管江南提督事臣楊捷合詞具

題伏乞

皇上睿鑒勅部議覆施行

題沈宗失事限滿獲盜過半

題爲欽奉

上諭事案照康熙二十五年六月二十七日准兵部
咨開職方清吏司案呈奉本部送兵科抄出該
本部彙題前事等因康熙二十五年五月二十
一日題本月二十四日奉

旨依議欽此欽遵抄部送司案呈到部計開一件常
熟鄉民被盜等事據江南江西總督王新命疏
稱常熟縣鄉民沈宗家於康熙二十四年十一
月三十夜被盜將疎防武職各官題叅前來應

將專汎千總蘇得功照例任俸兼轄遊擊張道瑞罰俸六箇月查張道瑞有捐米紀錄七次應銷去紀錄一次抵罰俸六箇月俱限一年緝賊如不獲題叅另處盜賊確數查明報部等因前來隨經前督臣移咨江南提督併檄行江蘇按察司轉行文武各官欽遵限年緝賊去後今據該司按察使李國亮詳稱奉前任督撫二院牌准吏兵二部咨行到司當經檄行蘇州府督緝真盜去後續據常熟縣差捕林華等捉獲盜犯王蘭甫王君文謝國春祈士俊文書寶五名歷

經該府縣研審各盜供明上盜七人現獲五名未獲王爾公陳君甫二名夥劫因失主原報賊物各盜供係盜首携逃除文書寶已於行劫譚祿一案梟決將王蘭甫等四名問擬斬罪照賊跡未明例監候招解到司該本司李按察使覆審無異招詳前任撫院批允具

題續據蘇州府詳報盜犯謝國春病故又經轉報題明去後康熙二十六年五月十五日蒙陞任江撫趙都院票開爲報明事康熙二十六年五月初七日准刑部咨開江南清吏司案呈奉本部

送刑科抄出江寧巡撫趙士麟題前事康熙二十六年四月十二日奉

旨三法司核擬具奏欽此該本部會同都察院大理寺會議得江寧巡撫趙士麟疏稱盜犯王蘭甫等探知沈宗家道頗殷共糾夥七人執棍入室劫物遠颺失主報官追緝各盜陸續挈獲歷審上盜分贓甚明但查現獲贓物原單未載原單所開之物未獲王蘭甫等應否照例監候俟獲陳君甫至日質審聽部議奪等因具題前來查王蘭甫等供當日行劫沈宗家並沒有帶器械

在墳園裏扳松枝一條推倒土牆進去止挈得布衣五件布褲二條等語據失主沈宗供有三更時分聽見響聲起來看時門已開了也沒有火不曾打人失去衣飾等物五件等語王蘭甫等并未執有兇器明火行劫而失主沈宗於賊去之後方知失盜揆此王蘭甫等係竊盜該撫遽以強盜擬斬監候具題不合相應請

勅該撫再加詳審具題到日再議可也康熙二十六年四月十八日題二十日奉

旨依議欽此抄部送司案呈到部咨院行司蒙此除

行蘇州府再加詳審另招詳報外今一年緝賊之限已屆該本司李按察使查得常熟縣民沈宗被劫一案先經查取疎防職名詳蒙前部院題叅部覆限年緝賊如不獲題叅另處續據蘇州府詳報陸續拏獲盜犯王蘭甫王君文謝國春和士俊文書寶五名歷訊認劫情真除文書寶另案正法謝國春取供病故外將王蘭甫等三名俱擬斬監候招解前撫趙都院覆勘具題部覆王蘭甫等係竊盜奉

旨駁令再加詳審在案是此案盜夥七人已獲五名未獲二名已經過半例應免議今值一年之限已屆相應摘叙聲明伏候院臺核奪咨

題銷案等因據此又准提督臣楊捷咨開據福山營遊擊張道瑞呈稱查得沈宗家失事一案限內已獲盜犯王蘭甫文書寶王君文謝國春和士俊五名未獲陳君甫王爾公二名現在嚴緝今奉查取職名原叅專汛千總蘇得功兼轄卽係卑職遊擊張道瑞也但獲盜已經過半應請援例免議等因前來據此相應咨會核叅等因到臣准此除文職各官應聽江寧撫臣查明會

題併現獲王蘭甫等是否強竊現行江蘇按察司
再加詳審招詳撫臣核

題未獲陳君甫等嚴飭文武官弁勒緝務獲外該
臣看得常熟縣鄉民沈宗家失事一案先經前
督臣王新命將疎防武職具疏

題叅部覆限一年緝賊今准提督臣楊捷咨覆併
據按察使李國亮呈詳此案賊夥七人已獲取
供病故謝國春併另案正法文書寶及現奉部
駁再加詳審王蘭甫王君文祁士俊等共五名
止有陳君甫王爾公二名未獲今查一年限滿

雖賊犯已獲過半尙未審明定案所有原叅疎
防武職專汛福山營千總蘇得功兼轄該營遊
擊張道瑞相應

題明聽候部覆臣謹會同昭武將軍管江南提督
事臣楊捷合詞具

題伏乞

皇上睿鑒勅部議覆施行

題王成等失盜獲盜過半

題爲江都城外停舟盜劫特叅疎防武職事康熙二十六年七月十八日據揚州營遊擊謝吉呈爲呈報事內稱據本營中軍守備鄭重呈據署把總趙進禮呈稱七月十二日據遺愛坊鄉約孫晉等呈稱有船戶陳瑞到坊口有失主同至河下細問船上有一人被傷睡在艙內等情又於本月十三日據江南常州營千總何國秀家人余鼎呈爲報鳴被盜事身主俸滿蒙昭武將軍給發兵部咨文一角隨於七月初六日因進

京船隻催促起身甚急身主將行李什物并咨文一角兵部原給劄付一張前任鎮海將軍委牌二張付身先行上船於七月初十日到揚州館驛下首任船身往瓜州公幹於十二日到揚州據船戶陳瑞口稱十一日三更時分有明火執械二十餘人塗面上船將人亂打劫去行李什物并咨文部劄等情理合報明等情到職據此該卑職稟遵上檄每晚親率兵丁在於派防各汛徹夜遊巡今七月十一日夜三更時分卑職正在甘泉山一帶地方巡緝及至十二日天

明回營有遺愛坊鄉地呈報前情隨即親詣彼船現泊河下查問盜劫情形據船戶陳瑞稟稱夥盜二十餘人塗面上船行劫止傷客人王成一入隨驗王成果有刀傷三處箭傷二處除一面率兵四路根緝逸盜并移江都縣訊取船戶等人口供另報外事干盜劫合先呈報等情轉報到臣據此又據揚州府詳據江都縣詳稱康熙二十六年七月十二日巳時據王呈抱告管賓仲赴縣告稱切身正黃旗往京領

誥命由揚經過船泊南門外館驛前於本月十一日

三更時分被盜一夥約有二十餘人手執兇鋒上船劫去關稅盤費銀四十六兩并在船衣物箱件并搭船客人常州府和千總等衣箱等件不知何物盡劫一空彼身救護被盜手持刀箭砍傷額上一刀腰上一刀臂上一刀胸前傷箭一枝手灣傷箭一枝事干大盜劫財傷人命在旦夕地方異變伏乞俯准差捕嚴拏正法追贓黏開失單一紙關稅銀四十六兩狐皮外套一件青猩猩毡套一件青廣紗一疋藍廣紗半疋青縵紬一疋廣葛一疋綜色縵紬綿袍一件灰

色縵紬綿袍一件青線紬單套一件貂鼠帽一頂藤涼帽一頂上珠子一粒白廣紗一丈錦被一床描金皮箱二箇係親戚寄回京內不知何物腰刀二口存鞘一箇搭船客人失單管賓仲路費銀九兩三錢青布棉袍一件元色緞套一件被套一箇同船邵相公劫去物件不知何物等情又於十三日辰時據常州營千總和國秀家人余鼎呈同前事各等情到縣據此十四日又據典吏王維乾報同前事卑縣卸事在卽事干盜案不敢隱諱等因於本年七月十五日詳

府隨即批仰江都縣一面差捕嚴緝一面將失主船戶人等審供解府去後又於十九日據江都縣申稱訊據船戶陳瑞供小的是杭州船裝王成等於七月初十日舟抵揚州城外館驛前地方河下停泊不意到七月十一日三更時分被盜上船將王成砍傷了三刀傷了兩箭人跳下水強盜上了岸小的在後艙先不敢叫去後小的纔叫喊起來有箇和千總從常州遇見寫了我一艙隨來的審據地方劉太供小的是揚州城外館驛前的地方住在岸上那王成等的

船泊在河下七月十一日夜他們被盜小的住的遠夜深又大雨不會聽見叫喊到十二日早天明時據他船上姓陳的來說失了事所以不知道不會救護的各供申報到府合先通報等情前來臣隨備移江南提督暨駁批江蘇按察司嚴查劫殺真情賊夥確數開列文武疎防各職名報叅併飭緝真盜務獲去後節令檄催今據該司按察使李國亮詳稱蒙督撫部院批行到司奉此遵卽轉行該府查報去後續據該府清軍總捕同知馬驥呈稱查王成被盜一案係

在七月十一日夜卑職於本年三月二十八日奉江蘇布政司委解京餉四月十五日束裝前進赴部交納至七月初四日回揚初九日赴布政司衙門銷批二十二日回署擬合呈報等情到司據此又據揚州府詳稱該本府差役緝盜本年八月初八日據捕役周俊等呈稱身等巡至鈔關盤獲金四金明隨身腰刀行李又據各役捉獲馬一倫到官隨該本府知府高承爵審據金四馬一倫同供與金明馬龍江楊三劉二郭五郭六丁大漢同夥行劫王成等船衣物是

真窩主是周仁現住城外隨經差役將周仁拏獲除差役緝拏丁大漢等外合先通報等情又據該府報稱據捕役夏魁等於九月二十日從寧波府海關拏獲郭五郭六到府合行報明等情又據該府報稱據捕役陳俊等緝至德州地方拏獲夥盜楊三劉三到府等情當卽檄行該府研審并先將疎防職名詳報去後催據該府詳稱查得疎防職名係江都縣被劾知縣朱爾殿捕官王維乾卑府高承爵也其本府清軍總捕同知馬驤因解餉回揚於本年七月初九日

赴蘇銷批至王成等失盜在於七月十一日三更
是夜馬同知原不在署至於盜犯金四等審
供同夥實係九人窩主一人今已挈獲盜犯金
四金明馬一倫郭五郭六劉二楊三七人并窩
主周仁俱經節次報明在案除現在各盜審招
另解未獲各盜獲日另報外合先詳報等因據
此又准淮揚道移稱查得王成於七月十一日
夜失事本道副使胡國佐於十二日方始到任
其未任之先則係署道事淮安府知府單務孜
亦於七月初九日賫印卸事俱經通報在案相

應移明等因到司准此該本司按察使李國亮
查得王成於康熙二十六年七月十一日夜停
舟在揚州館驛前被盜一案前據府廳申報到
司隨經檄行確查并勒緝贓盜務獲究審去後
續據該府呈稱陸續獲盜金四金明馬一倫楊
三劉二郭五郭六并窩主周仁審供同夥九人
尚有未獲馬龍江丁大漢二名查失主原報二
十餘人今盜犯止供同夥九人雖盜數以盜口
爲憑但金四等是否此案真盜盜數是否確止
九人現在嚴飭該府確審招解本司親審另報

外所有應叅文職職名則係江都縣被劾知縣朱爾殿巡捕典史王維乾揚州府總捕同知馬驥同城知府高承爵兼轄則署淮揚道事淮安府知府單務孜也但查知縣朱爾殿已經另案革職總捕同知馬驥於本年四月內領解京餉赴北至七月初四日回揚初九日赴藩司銷批二十二日方始回署失事之夜因公出境其署道事淮安府知府單務孜已於七月初九日賫印卸事現任淮揚道副使胡國佐於七月十二日失事之後方始蒞任理合一併叙明詳報聽

候院臺核奪會叅再照此案例限尙有本司提調武闡日期扣算計今逾限未及一月合併詳明等因又准提督臣楊捷咨開准咨行據該營遊擊謝吉呈據專汛署把總趙進禮呈稱奉行遵查王成等失盜一案卑職當經具文通報一面會同縣廳遴差幹捕健丁在於四處緝獲金四金明馬一倫楊三劉二郭五郭六并窩主周仁節經有司審據各盜供稱同夥九人止有馬龍江丁大漢二名未獲專汛乃卑職署把總趙進禮也但此案盜夥九人已獲七名正與獲盜

過半之例相符應請照轉本將軍核咨會叅再
卑職委署把總名缺原蒙前任總督王部院考
試咨補奉檄委署到營分防汛地嗣奉部駁又
蒙總督董部院查明履歷復經考驗准補咨達
兵部在案合併呈明等因據此應將卑職遊擊
謝吉兼轄職名一併開報聽候查照定例核明
報叅等因到本將軍據此爲照查叅王成等失
盜一案疎防汛轄職名准咨行據該營開報前
來今查此案失事汛地乃係委署把總趙進禮
分防但該目雖經試驗咨補未准部覆給劄仍

屬外委未便作爲專汛則此案專汛兼轄職名
均係揚州營遊擊謝吉也相應咨會核叅等因
到臣准此除此案疎防文職職名業經江寧撫
臣田雯會疏具

題至盜夥數目雖據事王開報二十餘名今見獲
各盜審供同夥九人但盜夥是否實共九名見
批該司研審各犯是否行劫此案真盜同夥的
實確數招擬通詳另報并飭緝逸盜馬龍江等
務獲外該臣看得王成等與和國秀家人余鼎
同船進京於康熙二十六年七月十一日路由

江都經過停泊館驛河下是夜三更時分被盜
執械登舟砍傷事主劫去銀兩衣物等物旋經
報獲金四金明馬一倫楊三劉二郭五郭六等
并窩主周仁審供同夥九人止有馬龍江丁大
漢二犯未獲但盜夥確數見在批司研究未據
招詳至武職汛轄各官疎於防禦均難辭咎查
該汛防目趙進禮雖經驗試咨補未准部覆給
劄仍屬外委則此案專汛兼轄均係楊州營遊
擊謝吉也所當指叅以聽部覆臣謹會同昭武
將軍管江南提督事臣楊捷合詞具

題伏乞

皇上睿鑒勅部議覆施行

題李振生被盜獲盜銷案

題為壽州居民被盜特叅疎防武職事案照康熙二十五年六月初三日准兵部咨開職方清吏司案呈奉本部送據江南江西總督王新命疏稱壽州居民李振生家於康熙二十四年十二月初六日夜被盜將疎防各官題叅前來查該督既稱此案盜犯已經拏獲應否俟審明確數之日另行議覆合聽部奪等語所叅疎防各官不便遽議應俟該撫將獲賊審明刑部核覆該督具題到日再議此抄應存仍咨吏部并該督

撫知照可也等因呈堂奉批照咨行送司案呈到部移咨前來當經前督臣備移撫提二臣知照併檄安徽按察司速將此案已獲盜犯速行審擬招詳撫臣核

題俟刑部核覆之日叙由詳報以憑

題覆去後今據該司按察使多弘安詳稱奉督撫部院牌准兵部咨備行到司奉此遵卽轉行鳳陽府遵照將獲盜速行審擬去後續據壽州知州王治國將李三義等逐一確審招解鳳陽府知府楊緒爵具招轉解到司又經本司親訊招

解安撫薛都院覆審具

題去後於康熙二十六年二月二十日奉本都院牌開康熙二十六年二月十七日准刑部咨開江南清吏司案呈奉本部送刑科抄出安徽巡撫薛柱斗題前事康熙二十五年十二月十六日奉

旨三法司核擬具奏欽此該本部會同都察院大理寺會看得盜犯張王子等行劫李振生家一案安徽巡撫薛柱斗審擬斬罪并將監斃五名之承審各官開列職名具題前來查盜犯張王子

等窺知李振生家道稍殷於康熙二十四年十
二月初六日夜同夥李三朝李三義李三魁王
亮子李四等六人明火執械入室罄劫銀錢衣
驢等物表分該撫歷審各盜自認情真除李三
朝李三義李三魁王亮子李四已經取供病故
不議外張王子合依凡強盜已行而但得財者
不分首從皆斬律應斬立決已獲贓物給還失
主未獲贓物將各盜家產變賠其監斃盜犯五
名之壽州知州王治國鳳陽府知府楊緒爵安
徽按察使多弘安均應交與吏部議康熙二十

六年正月二十六日題二十八日奉

旨張王子着卽處斬餘依議欽此抄部送司案呈到
部咨院行司蒙此遵行鳳陽府遵照發落在案
今該本司按察使多弘安查得壽州居民李振
生家被盜一案獲盜張王子并取供病故之李
三朝及陸續解審病故之李三魁李三義王亮
子李四共六人盜已全獲業經該府州審明詳
解本司招解安撫薛都院具

題部覆發落在案理合摘叙簡由詳請院臺查核
題覆等因到臣據此該臣看得壽州居民李振生

被盜一案先經前督臣將疎防武職併獲盜緣
由具

題部覆不便遽議應俟該撫將獲賊審明刑部核
覆該督具題到日再議等因今據按察使多弘
安呈詳此案夥盜張王子等六名已經全獲審
明招詳撫臣具

題經法司核覆結案所有原叅武職壽春營專汛
把總朱之義兼轄該營副將楊元弼盜已全獲
應否免議相應

題明聽候部覆臣謹會同昭武將軍管江南提督

事臣楊捷合詞具

題伏乞

皇上睿鑒勅部議覆施行

題陳一舉被盜獲犯銷案

題爲鳳邑居民失事盜犯已獲過半臣謹具疏題

報事案照康熙二十五年七月二十五日准兵部咨

開職方清吏司案呈奉本部送兵科抄出據江

南江西總督王新命疏稱鳳陽縣居民陳一舉

家於康熙二十五年二月初八日夜被盜將疎

防武職各官題叅前來查該督旣稱此案夥盜

二十三人已獲七名又被兵追趕溺水淹死十

一名等語所叅各官不便遽議應俟該撫將獲

賊審明刑部核覆該督具題到日再議此抄應

存仍咨吏部并該督知照可也等因呈堂奉批
照咨併行送司案呈到部移咨前督臣隨經移
咨江南提督臣查照併檄行安徽按察司將獲
盜審明招解通詳撫臣核

題俟刑部核覆叙由詳報以憑

題覆在案茲臣履任隨據安徽按察使多弘安詳
稱案照陳一舉被盜一案奉前部院備檄行司
該本司遵卽轉行鳳陽府將獲盜審擬招詳去
後續據該府詳稱鳳陽縣審擬盜犯李顯之等
招解到司該安徽按察使多弘安審看得蘇四

紀光贊唐遇賢張甫廷李顯之聽線盜劉尙文
架言陳一舉犁地得銀遂約集同夥二十三人
於康熙二十五年二月初八日各執刀鎗棍械
爬房入室火烤事主銀無分毫遂劫其牛驢衣
物爲地總聞報王莊驛防弁帶兵尾追羣盜拋
賊丟械奔竄而蘇四紀光贊唐遇賢吳起貴劉
尙文就獲當場續拏王天王凱張甫廷又續獲
李顯之三面質訊各供上盜情形歷歷不爽雖
研審並無俵分贓私實非已行不得財也除兵
追浮水溺死之張二劉進朝劉進成李二陳林

子張璽曹破臉張所陳任武大秀屠五及見獲
取供病故吳起貴劉尙文王天王凱無庸議外
蘇四紀光贊唐遇賢張甫廷李顯之均擬斬決
梟示不枉曹明甫張瑞之武拋松孫了頭嚴緝
另結現獲牛驢衣物給主取領再查案犯監斃
例取承審職名其吳起貴係本司入

覲未經回任先經病故職名例應免開所有監斃三
名職名則係鳳陽縣知縣史昭傳鳳陽府知府
楊緒爵但俱係限內取供病故相應指名解候
院審定奪等因具招詳解安撫都院親審隨蒙

批允具

題遵候間於康熙二十六年四月二十二日奉安
撫薛都院牌開康熙二十六年四月二十日准
刑部咨開江南清吏司案呈奉本部送刑科抄
出安徽巡撫薛柱斗題前事康熙二十六年三
月十五日奉

旨三法司核擬具奏欽此該本部會同都察院大理
寺會看得盜犯蘇四等行劫陳一舉家一案安
徽巡撫薛柱斗審擬斬罪具題前來查蘇四等
聞知陳一舉家犁地得銀遂糾夥二十三人於

康熙二十五年二月初八日夜各執弓箭等械入室劫得衣服等物又將失主陳一舉火烤傷重越二十一日殞命當被巡兵等追趕情急衆賊浮水過河張二劉進朝劉進成李二陳林子張璽曹破臉張所陳任武大秀屠五俱被溺死止將蘇四等八名擒獲該撫歷審各盜自認情真蘇四紀光贊唐遇賢李顯之合依強盜殺人不分曾否得財皆斬梟示律均應斬立決梟示取供病故之吳起貴劉尙文王天王凱張甫廷等四名及過河溺死之張二等十一名均毋容

議已獲贓物給還失主未獲贓物將各盜家產變賠逸盜曹明甫張瑞之武拋松孫丫頭嚴緝獲日另結其監斃盜犯四名之承審鳳陽縣知縣史昭傳鳳陽府知府楊緒爵按察使多弘安均應交與吏部議康熙二十六年三月二十七日題四月初三日奉

旨蘇四紀光贊唐遇賢李顯之俱着卽處斬梟示餘依議欽此抄部送司案呈到部移咨到院備行到司該本司遵卽轉行鳳陽府遵照發落去後續據該府申稱據鳳陽縣知縣史昭傳文稱奉此

當卽移會防鳳右營守備郭屏選撥兵丁於康熙二十六年四月二十八日將盜犯蘇四紀光贊唐遇賢李顯之押赴市曹處斬梟示訖除正法日期另文申報撫院外該本司查得此案盜夥二十三人先後擒獲正法病故蘇四吳起貴等八人當場被趕溺水身死張二等十一人其未獲止曹明甫張瑞之武拋松孫了頭四人是獲盜已有過半之例相應照例叙由詳報等因到臣據此除文職各官應聽撫臣另疏具題外該臣看得鳳陽縣居民陳一舉家被盜一案

先經前督臣王新命將獲盜審供緣由并疎防武職具

題部覆應俟該撫將獲賊審明刑部核覆該督具題再議今據安徽按察使多弘安詳稱此案盜夥二十三人已獲正法病故蘇四等共一十九名未獲止曹明甫等四名業經撫臣招擬具題法司議覆結案所有原叅壽春營專汛把總顧祿兼轄該營副將楊元弼疎防之案獲盜已經過半應否援宥相應

題明聽候部覆臣謹會同昭武將軍管江南提督

事臣楊捷合詞具

題伏乞

皇上睿鑒勅部議覆施行

題高一品被盜獲盜銷案

題爲江寧城外停舟被盜特叅疎防武職事案照

康熙二十五年六月二十二日准兵部咨開職

方清吏司案呈奉本部送兵科抄出據江南江

西總督王新命疏稱雲南投誠家口高一品船

泊江寧城外石城門地方於康熙二十五年正

月初九日夜被盜將疎防各官題叅前來查該

督旣稱此案同夥十四人已獲十二名等語疎

防各官不便遽議應俟該撫將獲賊審明刑部

核覆該督具題到日再議此抄應存仍咨吏部

并該督知照可也等因呈堂奉批照咨行送司案呈到部移咨前來隨經前督臣咨會撫提二臣併檄行江蘇按察司將行劫高一品一案已獲盜犯作速審擬招詳撫臣核

題俟刑部核覆議結之日照例摘叙簡由詳報以

憑

題覆去後今臣蒞任據該司按察使李國亮詳稱案奉前部院牌行前事等因蒙此隨經行據江寧府將獲盜審擬招解到司遵卽覆審招詳撫院批允具

題在案今該本司查得行劫高一品一案盜犯共一十四人已獲王尙賢王國英崔士宗黃天壽吳有功王天祿王照林葉貴林火少雲李二楊士茂李四共十二名歷經審明俱各供認行劫情真照律擬斬未獲二名王五李小二獲日另結具招呈詳江撫趙都院具

題遵候間於康熙二十六年三月十八日奉本都院牌開康熙二十六年三月十一日准刑部咨開江南清吏司案呈奉本部送刑科抄出江寧巡撫趙士麟題前事康熙二十五年十二月十

九日題二十六年正月二十九日奉

旨三法司核擬具奏欽此該本部會同都察院大理寺會看得盜犯王尚賢等行劫高一品一案江寧巡撫趙士麟審擬斬杖具題前來查盜犯王尚賢等與失主高一品皆雲南起發進京之人王尚賢等探知一品行囊稍裕於康熙二十五年正月初九日王尚賢遂糾王國英等同夥一十四人各執木棍等械齊至高一品船上罄劫衣飾銀兩等物失主首告隨經就縛該撫歷審各盜自認情真王尚賢王國英崔士宗黃天壽

吳有功王天祿王照林葉貴林火少雲李二楊士茂李四合依強盜已行而但得財者不分首從皆斬律均應斬立決至該撫既稱化成植楊茂英未曾上盜亦未分贓但與賊共謀合比照窩主不曾造謀與賊人共謀知情不行又不分贓者杖一百律既係入官之人俟解到京照律發落已獲贓物給還失主未獲贓物將各盜家產變賠逸盜王五李小二獲日另結康熙二十六年二月二十一日題二十三日奉

旨王尚賢王國英崔士宗黃天壽吳有功王天祿王

照林葉貴林火少雲李二楊士茂李四俱着卽處
 斬餘依議欽此抄部送司案呈到部咨院行司奉
 此除經備行江寧府遵照已將王尙賢等處斬
 并將監刑官職名決過日期呈報撫院在案外
 照蒙前因相應摘叙簡由詳報院臺核

題等因到臣據此該臣看得雲南投誠進京家口
 高一品船泊江寧城外被盜一案先經前督臣
 王新命將疎防武職併獲盜緣由具

題部覆不便遽議應俟該撫將獲賊審明刑部核
 覆該督具題到日再議等因今據江蘇按察使

李國亮詳稱此案盜夥一十四人已獲王尙賢
 等一十二名業經撫臣審明具

題法司核覆結案止王五等二名未獲所有原叅
 疎防武職專汛江寧右營把總田重進兼轄該
 營遊擊耿一培統轄江寧副將李雲龍盜犯已
 獲過半應否免議相應

題明聽候部覆臣謹會同昭武將軍管江南提督
 事臣楊捷合詞具

題伏乞

皇上睿鑒勅部議覆施行

題趙崇光被盜獲盜銷案

題爲欽奉

上諭事案照康熙二十五年七月十四日准兵部咨
開職方清吏司案呈奉本部送兵科抄出該本
部彙題前事等因康熙二十五年六月初六日
題本月初八日奉

旨依議欽此欽遵抄部送司案呈到部計開一件爲
涇邑鄉鎮被盜等事據江南江西總督王新命
疏稱涇縣地方監生趙崇光家於康熙二十四
年十二月二十五日夜被盜將疎防武職各官

題叅前來應將專汛千總郭定國照例任俸兼轄叅將蓋一鵬罰俸六箇月俱限一年緝賊如不獲題叅另處盜賊確數查明報部等因移咨前來當經前督臣備移撫提二臣知照併檄安徽按察司轉行欽遵去後今據安徽按察使多弘安詳稱奉督撫部院牌准兵部咨備行到司奉此遵卽檄行寧國府轉行涇縣遵照勒緝去後續據署縣事太平縣知縣陳九陞申據捕役章明吉等訪獲盜犯胡初江浩審供盜首洪帙同胡斗汪德江秀江維胡八一共八人當經按

名陸續拏獲惟胡斗胡八乃伊父胡標名聞信送官尙有江維着令捕緝外經涇縣知縣王來舉將現獲盜犯洪帙等逐一研審招解寧國府具招轉解到司隨卽覆訊取供繕詳間據本司司獄楊士弘呈報江秀一犯病故當經驗明掩埋取結通報在案一面具招詳解安撫薛都院覆審具

題去後於康熙二十六年四月初二日蒙本都院牌開康熙二十六年三月二十九日准刑部咨開江南清吏司案呈奉本部送刑科抄出安徽

巡撫薛柱斗題前事康熙二十六年三月初二日奉

旨三法司核擬具奏欽此該本部會同都察院大理寺會看得盜犯洪帙等行劫趙崇光家一案據安徽巡撫薛柱斗審擬斬罪具題前來查盜犯洪帙等窺趙崇光家道稍殷同夥八人於康熙二十四年十二月二十五日夜明火執械登梯而入內室罄劫銀飾衣服俵分四散陸續緝獲該撫歷審各盜自認情真洪帙胡初江浩汪德合依強盜已行而但得財者不分首從皆斬律

均應斬立決至安撫疏稱胡斗胡八二犯係伊父出首應否減等聽候部議等語查律載凡犯罪未發而自首者免其罪等語胡初等挈獲之後胡標名始行將伊子胡斗胡八出首不應依自首律減等胡斗胡八亦合依強盜得財皆斬律俱應斬立決江秀已經病故毋容議逸盜江維嚴緝獲日另結已獲贓物給還失主未獲贓物將各盜家產變賠等因於康熙二十六年三月初九日題十一日奉

旨洪帙胡初江浩汪德俱着卽處斬胡斗胡八俱改

爲應斬着監候秋後處決餘依議欽此抄部送司
案呈到部咨院行司蒙此遵行寧國府遵照發
落在案今該本司按察使多弘安查得涇縣燕
公鎮地方監生趙崇光家被劫一案先因盜犯
未獲詳奉報叅在案續據涇縣擒獲盜犯洪帙
胡初江浩汪德并伊父聞信送出之胡斗胡八
及取供病故江秀等七名原供同夥八人止江
維一名未獲已符獲盜過半之例業經府縣審
解本司招詳安撫都院具

題部覆發落在案理合摘叙簡由詳請院臺查核
題覆等因到臣據此除逸盜江維仍行該管官弁
勒緝獲日另結外該臣看得涇縣燕公鎮地方
監生趙崇光被盜一案先經前督臣王新命將
疎防武職具疏

題叅部覆限一年緝賊今據按察使多弘安詳稱
此案盜夥八人陸續獲盜洪帙胡初江浩汪德
胡斗胡八併取供病故江秀等七名業經審明
招詳撫臣具

題經法司核覆結案是盜犯已獲過半所有原叅
武職專汛寧國營千總郭定國兼轄該營叅將

蓋一鵬限年緝賊之案相應

題明聽候部覆臣謹會同昭武將軍管江南提督
事臣楊捷合詞具

題伏乞

皇上睿鑒勅諭議覆施行

題范維義被盜獲盜銷案

題爲穎邑鄉民失事盜犯已經全獲臣謹具疏題
報事案照康熙二十五年七月二十一日准兵部咨

開職方清吏司案呈奉本部送兵科抄出據江
南江西總督王新命疏稱穎上縣鄉民范維義
家於康熙二十五年二月初七日夜被劫將疎
防武職各官題叅前來查該督旣稱此案同夥
一十四人俱已全獲疎防武職各官不便遽議
應俟該撫將獲盜審明刑部核覆該督具題到
日再議此抄應存仍咨吏部併該督知照可也

等因呈堂奉批照咨行送司案呈到部移咨前來隨經前督臣移咨撫提二臣知照併檄安徽按察司將現獲盜犯作速審明招詳撫臣核題俟刑部核覆之日照例叙由詳報去後今據該司按察使多弘安詳稱奉前部院牌准兵部咨前事等因到司蒙此爲查潁上縣鄉民范維義一家於康熙二十五年二月初七日夜被盜當據失主同僕人皂子尾隨至正陽地方見盜犯吳四趕驢負賊喊同地方掣獲稟明鳳陽府鈔捕通判王國禎掣獲夥盜劉瑞常一子汪玉卿鄭

四劉三杜四馬二賞朱簡鄧二小住子在案該潁上縣前任革職知縣沈緒曾據係長汪太平報呈隨督率巡捕員役并移營迅追至正陽關據失主范維義等稟爲追獲賊盜事身住潁上縣王岡舖東於二月初七夜至二更有盜一夥擁門入室綁拷身父劫去財物當卽報縣身同僕人皂子等黑夜緊跟不敢擒掣尾至黎明到正陽關河下掣獲賊犯一名吳四青驢一頭上有被囊內裝所劫衣服等情具文通報又續獲盜夥簡二桂大丁三該沈知縣審據各盜供

稱同夥十四人俱已拏獲詳解鳳陽府該知府楊緒爵審解到司該安徽按察使多弘安審取盜供開列疎防職名通詳前部院暨安撫都院會叅去後盜犯鄧二朱簡在縣監陸續病故俱經轉報在案該穎上縣革職知縣沈緒曾審擬招解間又有盜犯劉三簡二在監病故俱經相埋取結申報在案將各盜招解鳳陽府收禁候審間十月二十六日夜盜犯汪玉卿等將禁卒捆縛越獄脫逃一面具文通詳一面陸續拏獲汪玉卿劉端吳四小住子杜四鄭四桂大丁三

馬二賞九名尙有常一子一名未獲當經審據盜犯禁卒口供另詳前部院暨安撫都院會叅在案外該鳳陽府知府楊緒爵將各盜審擬招解到司該安徽按察使多弘安覆審招解安撫都院審錄具

題去後康熙二十六年五月初二日蒙安撫薛都院牌開康熙二十六年四月二十九日准兵部咨開職方清吏司案呈奉本部送兵科抄出據安徽巡撫薛柱斗疏稱汪玉卿等十名係行劫穎上縣范維義家盜犯於康熙二十五年十月

二十六日夜越墻而逃當獲劉端等三名續獲吳四等六名惟常一子一名未獲將疎獄各官題參前來查未獲盜犯常一子或係越城逃走或係扭城門之鎖脫逃疏內未經聲明所參各官不便遽議應行該撫查明具題到日再議此抄毋容議覆仍咨吏部并該撫知照可也等因呈堂奉批照行併咨送司案呈到部移咨到院轉行到司蒙此除行鳳陽府確查至日另詳安撫都院核

題外康熙二十六年五月初八日蒙安撫薛都院

牌開康熙二十六年五月初六日准刑部咨開江南清吏司案呈奉本部送刑科抄出安徽巡撫薛柱斗題前事康熙二十六年四月十一日奉

旨三法司核擬具奏欽此該本部會同都察院大理寺會看得汪玉卿等行劫范維義家一案安徽巡撫薛柱斗審擬斬罪具題前來查線盜畢六窺知范維義家資頗裕遂約汪玉卿等十四人於康熙二十五年二月初七日夜各執械入室劫得銀驢衣服等物至鄧二船上俵分被失主

范維義等撞獲鳴官該撫歷審各盜自認情真汪玉卿劉端吳四小住子杜四鄭四桂大丁三馬二賞合依強盜已行而但得財者不分首從皆斬律均應斬立決朱簡鄧二劉三簡二併未上盜之畢六已經取供病故應毋容議已獲贓物給還失主未獲贓物將各盜無主贓物并盜船變賠逸盜常一子嚴緝獲日另結至監斃盜犯五名之承審潁上縣另案叅革之知縣沈緒曾鳳陽府知府楊緒爵安徽按察使多弘安均交與吏部議康熙二十六年四月十五日題十

八日奉

旨汪玉卿劉端吳四小住子杜四鄭四桂大丁三馬二賞俱着卽處斬餘依議欽此抄部送司案呈到部移咨到院備行到司隨行鳳陽府處決去後據該府知府楊緒爵行據潁上縣文稱隨該署縣事盱眙縣縣丞戢爾庶遵卽移會營汛把總朱之義帶領兵丁王賢等立將盜犯汪玉卿劉端吳四小住子杜四鄭四桂大丁三馬二賞於五月十四日午時綁赴市曹處斬訖等情到府呈司除轉報外該安徽按察使多弘安查看得

穎上縣鄉民范維義家失事一案先獲盜犯吳四劉端常一子汪玉卿鄭四劉三杜四馬二賞朱簡鄧二小住子續獲盜犯簡二桂大丁三審供解司覆訊將疎防職名並盜犯全獲情由詳叅在案檄行招擬間朱簡鄧二劉三簡二在縣陸續病故又常一子在府越獄脫逃該府將現在盜犯汪玉卿劉端吳四小住子杜四鄭四桂大丁三馬二賞擬以強盜得財駢斬之律解司審解撫院具

題刑部核覆奉

旨行司處決訖是此案盜犯正法九名病故四名越逃一名同夥共一十四名除逃盜常一子嚴督地方官查緝獲審另詳外所有獲盜審明情由擬合詳請院臺具

題銷案等因到臣據此除盜犯常一子或係越城逃走或係扭城門之鎖脫逃應聽安徽撫臣查明具

題併飭文武官弁勒緝常一子務獲外該臣看得穎上縣鄉民范維義家被盜一案先經前督臣王新命將疎防武職併盜犯全獲緣由具

題部覆不便遽議應俟獲盜審明刑部核覆該督具題到日再議等因隨行安徽按察司遵照去後今據按察使多弘安呈詳此案盜夥一十四人已獲朱簡鄧二劉三簡二陸續病故併已獲復逃常一子及現在汪玉卿劉端吳四小任子杜四鄭四桂大丁三馬二賞等業經撫臣審明具

題法司核覆結案所有原叅專汛壽春營把總朱之義兼轄該營副將楊元弼應否免議相應

題明聽候部覆臣謹會同昭武將軍管江南提督

事臣楊捷合詞具

題伏乞

皇上睿鑒勅部議覆施行

題高明寰被盜獲盜銷案

題爲欽奉

上諭事案照康熙二十五年十月十四日准兵部咨
開職方清吏司案呈奉本部送兵科抄出該本
部彙題前事等因康熙二十五年九月初六日
題本月初八日奉

旨依議欽此欽遵抄部送司案呈到部計開一件壽
州鄉民被盜等事據江南江西總督王新命疏
稱壽州居民高明寰家於康熙二十五年三月
二十八日晚被盜將疎防各官題叅前來查此

案夥盜十七人止獲三名殺死一名應將專汛把總朱之義照例任俸兼轄副將楊元弼應罰俸六箇月俱限一年緝賊如不獲題叅另處已獲盜犯聽該撫嚴審究擬具題等因前來隨經前督臣移咨江南提督轉行該營欽遵任罰併檄安徽按察司將已獲盜犯速行審明招詳撫臣核

題未獲盜犯嚴行緝獲併審招詳去後今據該司按察使多弘安詳稱奉前部院牌行前事等因到司蒙此隨經備檄鳳陽府將獲盜審擬招解

併勒緝逸盜去後續據該府知府楊緒爵陸續報獲盜犯魏風稍侯天機等隨經逐一審明將魏風稍擬斬監候其侯天機趙二王三侯三號王兒各擬流罪此案原報盜夥一十七名除韓闖子孫早病故之孫來子三犯在於行劫蒙城縣戴覲光家案內另結其號瞎子當場殺死并取供病故之魏二號三再知情未行之孫德吾原未同夥行劫又經病故是見獲及已故共十二名逸盜王昇等五名嚴緝另結等情招解到司該本司多按察使覆審招解安撫薛都院親

審具

題去後於康熙二十六年五月十七日奉本都院
牌開康熙二十六年五月十四日准刑部咨開
江南清吏司案呈奉本部送刑科抄出安徽巡
撫薛柱斗題前事康熙二十六年四月初三日
題二十二日奉

旨三法司核擬具奏欽此該本部會同都察院大理
寺會看得魏風稍等行劫高明寰家一案安徽
巡撫薛柱斗審擬斬流具題前來查魏風稍與
已故號瞎子窺知高明寰家道殷裕遂科夥一

十七人於康熙二十五年三月二十八日夜各
執刀鎗等械齊至高明寰家擁入二層門口高
騁等堵禦砍傷高騁等四人旋經地隣聞知救
援各盜驚逃未經得財該撫歷審各盜自認情
真查律載強盜止傷人而未得財比照搶奪傷
人律科斷爲首者斬監候爲從減一等刺字等
語魏風稍爲首應擬斬監候秋後處決侯天機
趙二王三侯三號王兒俱係爲從應刺字杖一
百流三千里今遇熟審減等應刺字各徒三年
至配所折責四十板其當時被殺之盜犯號瞎

子取供病故之魏二號三知情未行病故之孫德吾另案病故之孫來子均毋容議韓闖子孫早既係行劫戴觀光家之盜應聽彼案歸結逸盜王昇賈二何三劉玉陽王大嚴緝獲日另結此案監斃盜犯三名將壽州知州王治國鳳陽府知府楊緒爵安徽按察使多弘安均交與吏部議康熙二十六年四月二十五日題二十七日奉

旨魏風稍依擬應斬着監候秋後處決餘依議欽此抄部送司案呈到部咨院行司奉此遵卽備檄

鳳陽府將魏風稍一犯監候其侯天機等五犯着令抄錄全招分發各驛外該安徽按察使多弘安查得高明寰家被盜一案原供盜數一十七人歷經司府研訊供劫情真將魏風稍擬斬監候其侯天機趙二王三侯三號王兒擬流遇蒙熱審減等收徒其韓闖子孫早并另案病故之孫來子俱在行劫蒙城縣戴觀光家案內歸結查盜犯現獲并另案歸結及已故者共一十二名未獲王昇等五名現行嚴緝是獲盜已符過半之例所有原叅疎防各官應請開復相應

詳請院臺具

題銷案等因據此又准提督臣楊捷咨開據壽春營副將楊元弼呈稱查得高明寰失事一案夥盜一十七人已獲魏風稍等各犯業經刑部核覆結案止有王昇等五名未獲是此案盜犯已獲過半仰祈鑒原開復等因轉咨前來准此除逸盜主昇等仍行該管官弁勒緝獲日另結外該臣看得壽州鄉民高明寰被盜一案先經前督臣王新命將疎防武職具疏

題叅部覆限一年緝賊今准提督臣楊捷咨覆併

據按察使多弘安呈詳此案夥盜一十七人獲盜魏風稍侯天機侯三趙二王三號王兒併當時殺死號瞎子及病故號三魏二孫來子又行劫戴覲光家案內歸結韓闖子孫早等共十二名業經審明招詳撫臣具

題法司核覆結案止王昇等五名未獲是獲盜已經過半所有原叅專汛壽春營把總朱之義兼轄該營副將楊元弼限年緝賊之案相應

題明聽候部覆臣謹會同昭武將軍管江南提督事臣楊捷合詞具

題伏乞

皇上睿鑒勅部議覆施行

題黃怡順被盜一案獲盜銷案

題爲欽奉

上諭事案照康熙二十五年十月十四日准兵部咨
開職方清吏司案呈奉本部送兵科抄出據江
南江西總督王新命疏稱丹陽縣民黃怡順家
被盜一案一年限滿將原叅各官具題前來查
該督既稱此案夥盜十九人已獲十二人所有
原叅各官不便遽議應俟該撫將獲賊審明刑
部核覆該督具題到日再議此抄無容議覆應
咨吏部并該督知照可也等因呈堂奉批照咨

行送司案呈到部移咨到前督臣隨經備移撫
提二臣併檄行江蘇按察司遵照將現獲盜犯
審擬招詳撫臣核

題俟刑部核覆議結之日照例詳報以憑

題覆去後今據該司按察使李國亮詳稱奉此該
本司查得丹陽縣黃怡順被盜一案先據該縣
通詳查取疎防各官職名詳蒙前任督撫二院
題參奉部文限一年緝賊如不獲題參另處等因
行司勒緝去後案據鎮江府詳據無錫縣報獲
盜犯陳君甫等審供同夥行劫黃怡順家乃現

獲之丁三劉大錢麻子李大李二陝西王并刑
部遞解發回之陳五及已獲取供病故之秦三
癩子李建暨丹徒縣越獄之馬君甫汪爾玉未
獲之錢君甫智生石二石四顧二秦宗周王小
二等一十九人研審各犯自認不諱除秦三癩
子李建病故馬君甫汪爾玉越獄另案緝拏外
其陳君甫李大李二陝西王陳玉聽另劫陳益
新案內歸結丁三劉大錢麻子聽另劫程世祥
案內歸結等情招解到司本司隨將各盜覆審
招詳江撫趙都院批允具

題續奉本部院牌准刑部咨開爲明火劫擄事康熙二十五年八月初四日准刑部咨開江南清吏司案呈奉本部送刑科抄出江寧巡撫趙士麟題前事康熙二十五年六月十二日奉

旨三法司知道欽此該本部會同都察院大理寺會議得陳君甫等行劫黃怡順家一案據江寧巡撫趙士麟疏稱盜犯陳君甫等同夥一十九人探知黃怡順店頗有積蓄於康熙二十四年二月二十六日二更明火執械劫出衣飾銀錢等物歷審上盜分贓供吐不諱陳君甫等應照律

決斬但陳君甫李二陝西王李大陳五於行劫陳益新家案內歸結錢麻子丁三劉大於行劫程世祥案內歸結等因具題前來查宜興縣程世祥家被盜一案臣部等衙門以行劫日期不符盜犯丁三劉大何日挈獲之處又不曾開出且此內盜犯陳君甫等十二人又稱行劫陳益新周爰湘兩家等語將一案盜犯欲銷四案情弊亦未可定現在駁審應俟該撫詳審明白具題到日再議康熙二十五年七月十四日題十六日奉

旨依議欽此抄部送司案呈到部移咨到院備牌仰司查照三法司會議奉

旨事理卽將行劫黃怡順家盜犯陳君甫等應俟程世祥家被盜一案審明具題再議緣由欽遵施行等因奉此除行常州府將程世祥家被盜一案審明招詳撫院具

題又因限年之期已屆將原叅文職職名開報併將盜夥十九人限內已獲十二名已獲過半例得免議緣由通詳前任督撫二院具

題隨蒙兵部議覆前因遵奉在案查程世祥一案

前奉江撫趙都院票開爲失盜求緝事康熙二十五年八月初四日准刑部咨開江南清吏司案呈奉本部送刑科抄出江寧巡撫趙士麟題前事康熙二十五年六月十二日奉

旨三法司核擬具奏欽此該本部會同都察院大理寺會議得丁三等行劫宜興縣程世祥家一案據江寧巡撫趙士麟疏稱盜犯丁三等同夥十九人探知程世祥家積有餘資於康熙二十四年二月二十六日二更執械入室罄劫衣飾等物俵分將丁三等擬以立斬具題前來查失主

程世祥報稱二月二十九日被盜行劫該撫稱
二月二十六日二更時分行劫程世祥家此十
九盜又行劫丹陽縣黃怡順家亦稱二月二十
六日等語兩縣相隔百有餘里此賊等何能同
日行劫況盜犯丁三劉大何日挈獲之處不曾
開出且此內盜犯陳君甫等十二人又稱行劫
陳益新周爰湘兩家等語揆此將一案盜犯欲
銷四案情弊亦未可定不便遽結相應請
勅該撫再加詳審明白具題到日再議康熙二十五
年七月十四日題十六日奉

旨依議欽此抄部送司案呈到部移咨到院准此合
就飭行仰司立速再行確審開明丁三等挈獲
之處及有無將一案盜犯欲銷四案情弊逐一
查明叙具妥詳馳報以憑
題覆等因行司轉行常州府查明丁三等挈獲之
處並無以一案欲銷四案情弊程世祥家被劫
實是二月二十九日等情詳覆到司隨經審詳
前撫趙都院具

題於康熙二十六年三月二十一日奉前撫趙都
院牌開爲失盜求緝事康熙二十六年三月二

十日准刑部咨開江南清吏司案呈奉本部送刑科抄出江寧巡撫趙士麟題前事康熙二十六年二月初四日奉

旨三法司知道欽此該本部會同都察院大理寺會看得盜犯丁三等行劫程世祥等家一案先經臣部等衙門以失主所報日期與該撫疏稱日期不符又稱丹陽宜興二縣同日行劫將一案盜犯欲銷四案情弊亦未可定請

勅該撫再加詳審具題等因移咨去後今據江寧巡撫趙士麟疏稱程世祥家康熙二十四年二月

二十九日被盜行緝未獲又陳益新周爰湘黃怡順等家亦報被盜差捕分頭拏獲盜犯陳君甫供出行劫各家失主情形并起取贓物合之失單毫無叅差並無一案欲銷四案之弊至程世祥家被盜日期原係二月二十九日因繕疏經承訛寫二十六日其盜犯丁三李大等應仍照原擬於行劫程世祥陳益新二家案內歸結等因具題前來據此除黃怡順案內取供病故之王李建秦三癩子周爰湘案內取供病故之王五及題後病故之陳君甫李二不議外行劫程

世祥家盜犯丁三錢麻子劉大行劫陳益新家盜犯李大陝西王張二悔氣王小妖兒李三陳五合依強盜已行而但得財者不分首從皆斬律均應斬立決已獲贓物給還失主未獲贓物將無主贓變價賠補如仍不足將各盜家產變賠越獄脫逃之盜犯馬君甫汪爾玉并未獲之錢君甫智生石二石四顧二秦宗周王小二通州陳大張五茹孫侯施三揚州李二馬大嚴緝獲日另結其行劫周爰湘黃怡順二案今既於程世祥陳益新案內歸結應無容議至程世祥

家被盜原係二月二十九日訛寫二十六日之處既經該撫改正亦無容議康熙二十六年二月二十八日題三月初三日奉

旨這本內事情着刑部司官前往詳察審擬具奏欽此抄部送司案呈到部移咨到院准此合亟飭行仰司立速提齊各犯聽候部員查審等因行司隨飭令常鎮二府將盜犯丁三等并各事主申解

欽差刑部郎中趙山審明具

題去後據蘇州府并蘇捕官申稱在於行劫徐德

雋等家案內拏獲盜犯姚大卽汪爾玉劉麻子卽馬君甫梁宗之卽秦宗周石老二卽石二審供曾劫黃怡順等家等情前來當卽行令蘇州府移解常鎮二府收審隨據蘇捕官申報盜犯石二卽石老二審行劫徐德雋一案在監染病未痊身故已將病故緣由入於徐德雋案內詳報院司在案等情又據常州府詳據無錫縣申稱據武邑遞解盜犯馬君甫到錫行至中途船中病故等情到司查馬君甫原係黃怡順一案越獄盜犯已於越獄案內詳明在案續於康熙

二十六年六月初三日奉帶管江寧巡撫印務總督董部院牌開康熙二十六年五月二十八日准刑部咨前事內開江南清吏司案呈奉本部送刑科抄出刑部郎中趙山題前事康熙二十六年四月二十四日題二十六日奉

旨三法司知道欽此該本部會同都察院大理寺會看得盜犯丁三等行劫程世祥等家一案據刑部郎中趙山疏稱盜犯李大等供我們十九人要行劫丹陽縣黃怡順家商定於康熙二十四年二月二十六日二更時分挈着木柴片斧子

鐵釘竹篙紫梯越牆進去開門點火進黃怡順家屋裏得銀子布疋衣服等物分了我們同夥十九人又於本月二十八日晚到宜興縣二十九日二更時分越程世祥家牆進屋裏挈住失主家人李二等用火拷得銀子布疋衣服等物分了又以前我們二十三人於康熙二十三年十月二十六日二更時分行劫無錫縣陳益新家得衣服等物當銀分了我們十二人又於康熙二十三年十月二十九日二更時分行劫無錫縣周爰湘家戳傷周爰湘家人得衣服等物

當銀分了俱各自行招認將丁三等仍依強盜律擬斬具題前來據此除黃怡順案內取供病故之李建秦三瘋子周爰湘案內取供病故之王五及題後病故之陳君甫李二不議外丁三錢麻子劉大李大陝西王張二悔氣王小妖兒李三陳五合依強盜已行而但得財者不分首從皆斬律俱擬斬立決見獲贓物給還失主未獲贓物將無主贓變價賠補如不足將各盜家產變賠越獄脫逃之盜犯馬君甫汪爾玉并未獲之錢君甫智生石二石四顧二秦宗周王小

二通州陳大張五茹孫侯施三揚州李二馬大嚴緝獲日另結其行劫周爰湘黃怡順二家盜犯今既於程世祥陳益新案內議結應無容另議旗人丁三等逃出在外爲盜伊等之主均應免罪其程世祥家被盜係二月二十九日訛寫二十六日今既經改正亦無容議康熙二十六年五月初一日題初五日奉

旨丁三李大陝西王陳五俱着卽處斬錢麻子劉大張二悔氣王小妖兒李三俱着照詔欵發落餘依議欵此抄部送司案呈到部擬合就行爲此合咨

前去煩爲欵遵查照將丁三李大陝西王陳五卽行處決將錢麻子劉大張二悔氣王小妖兒李三照本年五月初三日

詔欵免罪釋放發落施行等因到部院轉行到司奉此除已經密行常州府將盜犯丁三李大陝西王陳五俟交七月節處斬錢麻子劉大張二悔氣王小妖兒李三免罪釋放發落餘俱飭令遵照已取具監刑官職各決過日期呈報外該本司李按察使查得丹陽縣居民黃怡順家被盜一案前因一年限滿獲賊過半詳蒙前部院將

原叅各官具疏

題叅續准刑部咨駁所有原叅限年緝賊之案未
 便遽為請銷咨明吏部移覆查賊犯既稱審明
 另題應俟具題到日再議等因遵奉在案今查
 已獲十二人除取供病故之李建秦三瘋子
 題後病故之陳君甫李二又馬君甫汪爾玉先在
 丹徒縣監越獄另案詳報續據蘇捕官挈獲馬
 君甫汪爾玉同逸盜秦宗周石二內馬君甫石
 二續經病故已於此案并徐德雋案內詳明除
 汪爾玉秦宗周見在徐德雋等案審擬外其應

聽程世祥案內歸結之丁三并同應聽行劫陳
 益新案內歸結之李大陝西王陳五一併奉
 旨正法而錢麻子劉大同另案之張二悔氣王小妖
 兒李三遵照釋放訖是此案盜犯一十九人先
 已獲十二名續獲秦宗周石二二名止未獲錢
 君甫智生石四顧二王小二五名理合備叙緣
 由詳請院臺核

題銷案等因到臣據此除逸盜錢君甫等仍飭文
 武官弁勒緝務獲外該臣看得丹陽縣居民黃
 怡順家被盜一案前因一年限滿先經前督臣

王新命將原叅武職職名併獲盜緣由具題部覆不便遽議應俟獲賊審明刑部核覆該督具題到日再議等因隨經檄行江蘇按察司遵照去後今據該司按察使李國亮呈詳此案夥盜一十九人已獲取供病故李建秦三瘋子題後病故陳君甫李二續經拏獲取供病故馬君甫石二併另案報獲行劫此案盜犯秦宗周汪爾玉以及李大陝西王陳五丁三劉大錢麻子等業經刑部郎中趙山審明具題法司核覆俱於另案議結共計一十四人止有

錢君甫智生石四顧二王小二等五名未獲所有原叅武職鎮江營專汛把總陳啓兼轄護理該營叅將事中軍守備賈重儀疎防之案應否免議合聽部覆臣謹會同昭武將軍管江南提督事臣楊捷合詞具題伏乞

皇上睿鑒勅部議覆施行

題房繼登被劫獲盜銷案

題爲懷邑鄉民被盜特叅疎防武職事案於康熙二十六年正月初五日准兵部咨開職方清吏司案呈奉本部送兵科抄出據江南江西總督王新命疏稱懷遠縣民房繼登於康熙二十五年六月二十六夜被盜將疎防各官題叅前來查該督旣稱此案同夥八人已獲六名等語所叅各官不便遽議應俟該撫將獲賊審明刑部核覆該督具題到日再議此抄毋庸議覆仍咨吏部并該督知照可也等因呈堂奉批照咨行

送司案呈到部移咨到前督臣隨經備移江南提督臣并檄行安徽按察司遵照將此案見獲盜犯速行審明招擬通詳撫院核

題俟刑部核覆之日叙由詳報具

題在案嗣臣履任復經飭催今據安徽按察使多弘安詳稱前事奉此遵卽備行鳳陽府將獲盜陳馬方麻子審擬招解本司覆訊轉解安撫都院親審具

題去後於康熙二十六年十二月十四日奉安撫楊都院牌開康熙二十六年十二月十二日准

刑部咨開江南清吏司案呈奉本部送刑科抄出安徽巡撫楊素蘊題前事康熙二十六年十一月十一日奉

旨三法司核擬具奏欽此該本部會同院寺會看得陳馬等行劫房繼登家一案安徽巡撫楊素蘊審擬斬罪具題前來查盜犯陳馬等同夥六人窺房繼登家道頗殷於康熙二十五年六月二十六日二更時分各持鎗刀等械齊至繼登家內劫掠銀衣等物刺死失主之子房九士及家人朱臣漢分贓各散陸續緝獲三人該撫歷審

各認情真唐四已經病故不議外陳馬方麻子合依強盜殺人不分曾否得財斬梟示均斬立決梟示已獲贓物給還失主未獲贓物將各盜家產變賠逸盜莫以成楊厦子王四漢子嚴緝獲日另結王四楊二短腿王三鐵既審俱係仇扳應無容議等因康熙二十六年十一月二十二日題二十四日奉

旨陳馬方麻子俱着卽處斬梟示餘依議欽此抄部送司案呈到部移咨到院備行到司奉此遵卽轉檄鳳陽府密行懷遠縣該縣知縣孔毓德移

營撥兵將盜犯陳馬方麻子綁赴市曹於十二月十九日未時處斬梟示訖除正法日期具報撫院外該安徽按察使多弘安看得懷遠縣民人房繼登家於康熙二十五年六月二十六夜被劫一案該縣初審獲盜陳馬等先供同夥係取供病故之唐四與方麻子及逸盜莫以成楊厦子并仇扳畏刑妄供之王四楊二短腿王三鐵八人迨開列疎防之懷遠縣典史饒定國知縣孔毓德鳳陽府捕盜通判王國禎兼轄鳳廬道休致離任副使張璿并聲明鳳陽府降調離

任知府楊緒爵不係同城各官職名詳請
題叅去後續經司府縣復提各盜確審定招之時
王四楊二短腿王三鐵堅辯實屬仇扳而陳馬
等始將同夥係唐四方麻子王四漢子莫以成
楊厦子六人上盜強劫真情供出業經招解撫
院審供具

題部覆奉

旨處斬梟示在案查此案盜夥六人已獲正法陳馬
方麻子與取供病故唐四三名止有未獲盜犯
莫以成王四漢子楊厦子三名現行嚴緝已符

獲盜一半之例所有原叅疎防各官相應照例
摘叙簡由詳請院臺核

題等因到臣據此除文職各官應聽撫臣具
題逸盜莫以成等飭行文武官弁嚴緝獲日另結
外該臣看得懷遠縣鄉民房繼登被盜一案先
經前督臣王新命將疎防武職并獲盜緣由具
題部覆不便遽議應俟該撫將獲賊審明刑部核
覆該督具題到日再議等因今據安徽按察使
多弘安詳稱覆提盜犯審明同夥六人已獲正
法陳馬方麻子及病故唐四三名仍有未獲莫

以成王四漢子楊厦子三名業經安徽撫臣楊
素蘊招擬具

題法司議結在案所有原叅武職壽春營專汛千
總王洪烈兼轄該營副將楊元弼獲盜已經一
半應否免議合聽部議臣謹會同昭武將軍管
江南提督事臣楊捷合詞具

題伏乞

皇上睿鑒勅部議覆施行